

0

Avogacía Española e dos Procuradores dos Tribunais de España, así como as Comisións de Asistencia Xurídica Gratuíta, remitirán por separado, ó Ministerio de Xustiza, unha certificación que conteña o número de expedientes completos tramitados por cada colexio de avogados e procuradores que tiveron entrada nas respectivas comisións. En función destas certificacións, o Ministerio de Xustiza efectuará regulamentariamente os libramentos trimestrais que correspondan con cargo ás súas dotacións orzamentarias.

4. Para subvencionalo custo que lles xeren ó Consello Xeral da Avogacía Española e ó Consello Xeral dos Colexios de Procuradores dos Tribunais de España as súas actuacións en materia de asistencia xurídica gratuíta, trimestralmente os consellos percibirán unha cantidade igual á resultante de lle aplica-lo 11,5 por 100 ó importe que lles corresponda ós colexios polos expedientes tramitados, segundo o disposto nos números 1 e 2 deste artigo.»

Disposición adicional primeira. *Efectividade das medidas.*

O disposto neste real decreto será de aplicación ás certificacións que se presenten a partir do 1 de abril de 2001.

Disposición adicional segunda. *Actualización das contías.*

As contías recollidas no número 1 do artigo 29 do Regulamento de asistencia xurídica gratuíta poderán ser actualizadas polo ministro de Xustiza, en función das dotacións orzamentarias e da evolución dos custos, logo de informe do Consello Xeral da Avogacía Española, do Consello Xeral dos Colexios de Procuradores dos Tribunais de España e do Ministerio de Facenda.

Disposición derradeira única. *Entrada en vigor.*

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 26 de outubro de 2001.

JUAN CARLOS R.

O ministro da Presidencia,
JUAN JOSÉ LUCAS GIMÉNEZ

20276 *REAL DECRETO 1125/2001, do 19 de outubro, polo que se modifica o Regulamento de organización e funcionamento da Inspección de Traballo e Seguridade Social, aprobado polo Real decreto 138/2000, do 4 de febreiro. («BOE» 261, do 31-10-2001.)*

A aplicación do artigo 33.3 do Regulamento de organización e funcionamento da Inspección de Traballo e Seguridade Social, aprobado polo Real decreto 138/2000, do 4 de febreiro, en relación co seu artigo 58, vén ocasionando, na práctica diaria, interferencias e disfuncións coas actuacións inspectoras territoriais, polo que cómpre modifica-los citados artigos 33.3 e 58, aclarándoos e, en especial, concreta-los respectivos ámbitos de actuación, tanto da dirección especial como das inspeccións provinciais, para evitar moitas veces o seu solapamento e conseguila súa plena coordinación, dentro dos cometidos

funcionais fixados polo Regulamento de organización e funcionamento da Inspección de Traballo e Seguridade Social en desenvolvemento da Lei 42/1997, ordenadora desta, ós diferentes órganos da Inspección de Traballo e Seguridade Social.

Por outra banda, cómpre, ó abeiro da autorización ó Goberno contida na disposición adicional primeira, número 2 da Lei 4/1999, do 13 de xaneiro, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común, en materia de finalización de procedementos administrativos, aclara-lo contido do artigo 20.3 e colma-la lagoa do artigo 33.2 do Real decreto 928/1998, do 14 de maio, polo que se aproba o Regulamento xeral sobre procedementos para a imposición de sancións por infraccións da orde social e para os expedientes liquidatorios de cotas da Seguridade Social, en materia de prazo máximo de resolución dos expedientes sancionadores e liquidatorios a que se refire o procedemento específico regulado no citado real decreto.

Na súa virtude, por proposta dos ministros de Traballo e Asuntos Sociais e de Administracións Públicas, de acordo co Consello de Estado e logo de deliberación do Consello de Ministros na súa reunión do día 19 de outubro de 2001,

DISPONGO:

Artigo único. *Modificación do Regulamento de organización e funcionamento da Inspección de Traballo e Seguridade Social aprobado polo Real decreto 138/2000, do 4 de febreiro.*

No regulamento aprobado polo Real decreto 138/2000, do 4 de febreiro, introdúcense as seguintes modificacións:

1. Dáselle unha nova redacción ó punto 3 do artigo 33:

«Artigo 33. *Normas de distribución territorial.*

3. As actuacións inspectoras sobre empresas ou sectores con actividade no territorio de máis dunha comunidade autónoma poderán ser exercidas pola Dirección Especial da Inspección de Traballo e Seguridade Social, regulada neste regulamento, sen prexuízo, se así se determinar, da colaboración e participación das inspeccións provinciais baixo unidade de acción e de criterio.»

2. Dáselles unha nova redacción ós números 1.1.º, 2 e 4 do artigo 58:

«Artigo 58. *Cometidos funcionais da Dirección Especial de Inspección adscrita á autoridade central.*

1. A Dirección Especial de Inspección de Traballo e Seguridade Social, en dependencia directa da súa autoridade central, ten os cometidos inspectores seguintes:

1.º Organización, coordinación e execución de operacións e actuacións inspectoras en materia de réxime económico da Seguridade Social respecto de suxeitos, sectores ou situacións que se estendan no territorio de máis dunha comunidade autónoma, no marco do establecido no artigo 33.3 deste regulamento. Anualmente, a Dirección Especial programará os criterios da súa actuación e comunicarllelos ás inspeccións provinciais. Igualmente comunicará, con carácter previo, calquera outra actuación de carácter extraordinario.

2. A Dirección Especial, coas estruturas especializadas que sexan necesarias, desenvolverá os

0

cometidos anteriores e cantos outros lle correspondan cos medios que teña asignados. A Dirección Especial poderá ordenar a unha ou varias estruturas territoriais da Inspección a súa participación en accións ou operacións das sinaladas no punto anterior, baixo a súa dirección, exercendo a súa coordinación, e establecendo o método e criterios de actuación. Cando unha inspección provincial proxecte actuar en supostos comprendidos no epígrafe anterior ou comprobe na súa actuación situacións de tal carácter, comunicarllo á Dirección Especial para os efectos que procedan.

4. A Dirección Especial, no seu ámbito de actuación, ten as facultades sancionadoras e liquidatorias, de dirección, programación, organización e control que lles corresponden ós responsables dos órganos inspectores periféricos, nos termos deste regulamento, séndolle de aplicación as atribucións e cometidos establecidos para as inspeccións provinciais en materia de tramitación e resolución de expedientes sancionadores e liquidatorios.

Correspóndelle ó xefe da Unidade Especializada de Seguridade Social da Dirección Especial a resolución das actas de liquidación e das actas de liquidación concorrentes con actas de infracción polos mesmos feitos, de acordo co establecido nos artigos 33 e 34 do Real decreto 928/1998, do 14 de maio, polo que se aproba o Regulamento xeral sobre procedementos para a imposición de sancións por infraccións da orde social e para os expedientes liquidatorios de cotas de Seguridade Social.

Contra as resolucións sancionadoras ou liquidatorias a que se refire o parágrafo anterior caberá recurso de alzada ante o órgano superior competente por razón da materia, de acordo co previsto no Regulamento xeral sobre procedementos para a imposición de sancións por infraccións da orde social e para os expedientes liquidatorios de cotas da Seguridade Social que, no caso de actuacións liquidatorias da Dirección Especial, lle corresponderá á autoridade central.

Corresponderalle así mesmo á autoridade central a resolución dos recursos de alzada derivados das actas de liquidación, formuladas polas inspeccións provinciais radicadas en La Rioja, Ceuta e Melilla.»

Disposición adicional única. *Prazo máximo para resolver nos expedientes sancionadores por infraccións da orde social e de liquidación de cotas por débitos á Seguridade Social.*

O prazo máximo para resolve-los expedientes sancionadores e liquidatorios por infraccións da orde social e débitos por cotas á Seguridade Social, ós que se refiren os artigos 20.3 e 33.2 do Real decreto 928/1998, do 14 de maio, será de seis meses, producíndose en caso de falta de resolución nese prazo a caducidade do expediente. Cando concorran circunstancias excepcionais, poderase acorda-la ampliación deste prazo máximo, nos termos previstos no artigo 42.6 da Lei 30/1992, de réxime xurídico das administracións públicas e do procedemento administrativo común.

Disposición derradeira primeira. *Habilitación para o desenvolvemento.*

Facúltase o ministro de Traballo e Asuntos Sociais e, se é o caso, o de Administracións Públicas, para dic-ta-las disposicións de aplicación e desenvolvemento deste real decreto.

Disposición derradeira segunda. *Entrada en vigor.*

Este real decreto entrará en vigor o primeiro día do mes seguinte ó da súa publicación no «Boletín Oficial del Estado».

Dado en Madrid o 19 de outubro de 2001.

JUAN CARLOS R.

O ministro da Presidencia,
JUAN JOSÉ LUCAS GIMÉNEZ